



ՊԱՇՏՕՆԱԿԱՆ ՀԱՂՈՐԴԱԳՐՈՒԹԻՒՆ

ԱՄՆ-ի Սենատին կողմէ՝ S. Res. 150 թուակիր բանաձեւի միաձայն ընդունման վերաբերեալ

Արեւմտեան Հայաստանի Կառավարութիւնը ջերմօրէն կ'ողջիւնէ ԱՄՆ-ի Սենատին կողմէ արտայայտուած այս հայանպաստ, եւ յատկապէս՝ մարդկային կեցուածքը:

ԱՄՆ-ի Կոնգրեսին կողմէ երբ մեծամասնութեամբ ընդունուեցաւ H. Res. 296 թիւը կրող նոյն բանաձեւը, տեղեկացուած էինք որ զոյգ բանաձեւերը՝ (Joint Resolution) «Համատեղ բանաձեւ»-ի կարգավիճակի են, որոնք երկու պալատներուն կողմէ ընդունուելով կը դառնան ԱՄՆ-ի օրէնքի անբաժանելի մասը: Մինչ անոնք (Simple Resolution) «Պարզ բանաձեւ»-ի բնոյթի են՝ եւ երբէք չեն դառնար օրէնք: Այսինքն իրաւական տեսանկիւնէն՝ այս ճանաչումը սոսկ բարոյեական է եւ չունի որեւէ իրաւաքաղաքական ոյժ:

Յամենայնդէպս, մենք սոյն քայլը կը համարենք կարեւոր զարգացում մը Արեւմտեան Հայաստանի իրաւունքներու վերականգման գործընթացի ճանապարհին, ինչը քաղաքական որդեգրումի կը կարօտի ոչ միայն ԱՄՆ-ի կողմէ՝ այլ միջազգային այլ ազդեցիկ պետութիւններու եւս:

Յարգելի հայրենակիցներ, Արեւմտեան Հայաստանի Կառավարութիւնը մինչ կ'ողջիւնէ Արեւմտեան Հայաստանի ինքնիշխանութիւնը հաստատող որեւէ դրական քայլ՝ միւս կողմէ կը ցանկանայ որ Հայ հասարակութիւնը ճիշտ ձեւով ընկալէ իր ազգային հարցերուն առնչող անցուդարձերը: Այս պարագային կարեւոր է զանազանել, որ լոկ ցեղասպանութեան ոճիրները կանխարգիլելու նպատակով արձակուած ցեղասպանութեան ճանաչումը լրիւ կը տարբերի՝ իրաւունքներու վերականգնման միտումով մշակուած եւ ընդունուած ճանաչման բանաձեւերէն: Հայութիւնը երկուքն ալ կ'ողջունէ, բայց մեզի պէտք եղածը երկրորդն է այսօր:

Արեւմտեան Հայաստանի Կառավարութիւնը, այս բարի առիթով, անգամ մը եւս կոչ կ'ուղղէ Ամերիկեան Միացեալ Նահանքներու կառավարութեան՝ անյապաղ կերպով ԱՄՆ-ի քաղաքական օրակարգին մէջ ներառնելու ԱՄՆ-ի 28-րորդ նախագահ Վուտրօ Ռիլսոնի իրաւարար վճիռը, որ արդէն իսկապէս մաս կազմած է ԱՄՆ-ի օրէնքին, եւ որու 100 ամեակը շուտով պիտի հասնի 22 Նոյեմբեր 2020-ին:

Եթէ ԱՄՆ-ը, եւ այլ ազդեցիկ պետութիւններ, իսկապէս մտադիր են իրենց խիղճին պարտքը մատուցելու ոչ միայն Հայ ազգին՝ այլ ամբողջ մարդկութեան դիմաց, ու անկեղծօրէն կը ձգտին ցեղասպանութիւններու ոճիրի կանխարգիլման ի նպաստ գործնական քայլ մը կատարելու՝ ապա ամենաճշմարիտ քայլը պիտի ըլլայ վերականգնել 19 Յունուար 1920-ին միջազգային ճանաչում ստացած Արեւմտեան Հայաստանի պետութիւնը: Միայն այս ձեւով է որ մարդկութեան պատմութիւնը կրնայ վկայել թէ ինչքան ալ ժամանակ անցնի՝ մարդկութեան դէմ կատարուած ոճիրները անպատասխան չեն

ԱՐԵՄՏԵԱՆ ՀԱՅԱՍՏԱՆԻ ՀԱՆՐԱՊԵՏՈՒԹԵԱՆ ԿԱՌԱՎԱՐՈՒԹԻՒՆ
BATI ERMENİSTAN HÜKÜMETİ

GOUVERNEMENT
OF WESTERN ARMENIA

GOUVERNEMENT
D'ARMENIE OCCIDENTALE



ПРАВИТЕЛЬСТВО
ЗАПАДНОЙ АРМЕНИИ

حكومة جمهورية
أرمينيا الغربية

մնար, եւ թէ ոչ մէկ ոճիռ, ինչքան ալ կատարելագործուած եւ հովանաւորուած ըլլայ՝ չի կրնար ողջ բնիկ ազգի մը գրկել իր կենսական իրաւունքներէն, մայրենի հողէն ու ինքնիշխանութենէն:

Եթէ ձեւաւորուող նոր աշխարհին մէջ միջազգային օրէնքը իսկապէս պիտի գերակայէ՝ ապա ան պիտի սկսի անկախ եւ ինքնիշխան Արեւմտեան Հայաստանի Պետութեան վերականգնումով, աշխարհի բոլոր արդար տիրութիւններու ջանքերով եւ անկեղծ վճռակամութեամբ:

Իրաւաքաղաքական բոլոր պայմանները առկայ են՝ կը մնայ անոնց գործադրումը:

Գառնիկ Սարգիսեան

Արեւմտեան Հայաստանի Հանրապետութեան Վարչապետ

Երեւան 13 Ղեկտեմբեր 2019